



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XLI. De eo, qui lampadem succendit in dormitorio.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

" bent, ad orationem maturè ut queant resur-
 " gere : lubentissimo animo hoc exiguum il-
 " lis exhibeo charitatis obsequium , quod of-
 " fero tibi cum ingenti in eo tibi placendi desi-
 " derio. Oro te, ut gratiam mihi concedas,
 " ipsum convenienti cum solertia ac diligentia
 " ipsis ut exhibeam. Eandem quoque te gra-
 " tiam oro sacratissima Virgo. Ubi ignem
 horis accenderit diurnis, eandem directionem,
 pauculis duntaxat mutatis, præmittere poterit.

Actionis istius *spiritus* consistit in *diligen-*
tia, qua ignem horâ definitâ paratum esse cu-
 ret, in *charitate*, qua tantum accendat, quanto
 calefaciendis Religiosis opus erit, atque in *pru-*
denti œconomia, qua plus ligni ne consumat,
 quam fuerit necessarium, id quod sanctæ ad-
 versaretur paupertati.

Eædem piæ considerationes, quas nuper
 annotavimus pro illis, qui se calefaciunt, esse
 usui quoque poterunt illi, qui ignem accendit.
 In memoriam etenim revocare poterit marty-
 rum in flammis constantiam, ineffabiles ardo-
 res ignis Inferni, cum quo noster si compare-
 tur, pictus verius quam genuinus ignis est : ac
 flammam suavissimam, quam Spiritus sanctus
 in cordibus eorum, qui ad illam concipiendam
 oratione ac mortificatione, uti oportet, se com-
 ponunt, accendit. Martyrum ignes ipsum affi-
 cient admiratione, infernales timore, ac sua-
 vissima sancti amoris flamma illius concipien-
 dæ, ut ipsâ corripiamur, accendamus & con-
 sumamur desiderio.

CAPUT XLI.

LI 3

De

*De eo, qui lampadem succendit
in dormitorio.*

Directio.

GRatias ago tibi, Domine, quod me haud,,
indignum reputes, qui tantillum com,,
munitati exhibeam obsequium. Isto officio,,
animo libentissimo totâ vitâ meâ vellem de,,
fungi, ut saltem in re adeò modica Patribus,,
ac Fratribus meis utilis esse possem. Hanc,,
mihi modò gratiam concede, ut exactè at,,
que eâ ratione illo perfungar, ut satis illis fa,,
ciam, illisque bono sim exemplo. Virgo sa,,
cratissima eandem quoque te gratiam oro.,,

Devota occupatio interior.

1. Quod si Patribus ac Fratribus meis obse-
quio sim in eo, quod lumen illis sensibile mini-
strem, nunquid Deo longè gratius esset, si lam-
pas ipse essem spiritualis bonis semper cogita-
tionibus relucens, sanctisque coram divinâ
Majestate affectionibus ardens? Hac etenim
ratione dicitur de sancto Joanne Baptista: *Erât
lucerna ardens & lucens.*

Joan. 5. 15.

2. Lampades coram sacro Altari accensæ
ad majorem Dei gloriam lucent, atque omni-
nò consumuntur: quæque in domo accen-
duntur, utilitati eorum, quos illuminant, in-
serviunt. Uti quoque, Domine, in Religione
percuperem fungi officio, ut nempe & luce-
rem exemplo, atque omnem facultatem meam
tuæ gloriæ & Fratrum meorum impenderem
obsequio,

3. Do.

3. Dominus noster in mundo cùm ageret, lumen esse se mundi dicebat: *Quamdiu in mundo sum, lux sum mundi.* Verùm & nobis quoque commendavit, ut bonis operibus exempli nostri boni lumen emittamus, ut homines ea videntes, etsi hoc nos minimè cupiamus, Patrem cœlestem glorificent. *Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est.* Matt. 5. 6.

CAPUT XLII.

De eo, qui Religiosis distribuit candelas.

MInimum, quod quis in Religione exhibet, obsequium, perquam semper honorificum & coram Deo meritorium est: finis istius est, ut à Monasterio animorum arceatur otiositas, ubi nempe cuique distribuuntur candelæ, ut lectioni ac bonorum librorum studio, tam regularibus horis serotinis, quàm diurnis incumbant. Atque ea causa est, cur candelabrum computetur inter suppellectilem cellulæ sancti Patris nostri Elisæi, qui omnibus Religiosis monasticæ suppellectilis formam exhibuit.

Hoc officio qui defungitur, potest ac debet sperare futurum, ut meriti sacrarum lectionum ac studiorum, quibus Monasterii Religiosi candelarum, quas illis ipse detulit, beneficio, vacant, particeps efficiatur. Illa etiam of-